

CONVOCATORIA DE ASIGNACIÓN DE TRABALLOS DE FIN DE MÁSTER NO MÁSTER UNIVERSITARIO EN ESTUDOS MEDIEVAIS EUROPEOS: IMAXES, TEXTOS E CONTEXTOS DA FACULTADE DE FILOLOXÍA

CURSO 2024-2025

O Máster convoca ao seu estudantado á asignación do Traballo de Fin de Máster (TFM) para para o curso 2024-2025.

A realización do TFM réxese polo Regulamento de matrícula, elaboración e defensa dos TFG e TFM da Universidade de Santiago de Compostela (USC) aprobado polo Consello de Goberno de 10 de marzo de 2016, polo Regulamento de TFM do Máster aprobado polo Consello de Goberno o 28 de abril 2022, así como por esta convocatoria e demais disposicións xerais de aplicación.

1.- Obxectivo do TFM

Segundo se establece no artigo 17.4 do Real Decreto 822/2021, de 28 de setembro de organización das ensinanza universitarias e do procedemento de aseguramento da súa cualidade: “Todos os plans de estudo de Máster Universitario incluírán un traballo de fin de Máster, que poderá contar con un mínimo de 6 créditos ECTS e un máximo de 30, coa finalidade de comprobar o nivel de dominio dos coñecementos, competencias e habilidades que alcanzou o/a estudante e a súa superación é requisito indispensable para obter o título oficial”.

2.- Número de créditos

O TFM do Máster Universitario en Estudos Medievais Europeos: imaxes, textos e contextos ten asignados 12 créditos ECTS obrigatorios o que supón un total de 300 horas de traballo dos/as estudantes.

4.- Prazo e lugar de presentación de solicitudes de tutor/a e liña temática

O prazo de presentación de solicitudes é de 14 días hábiles a partir do día seguinte a súa publicación no Taboleiro Electrónico da USC (<https://sede.usc.es/sede/publica/taboleiro/inicio.htm>). Así mesmo publicarase na intranet da páxina web da Facultade de Filoloxía (<https://nubeusc.sharepoint.com/sites/centro-filoloxia>) e na web propia do Máster.

As persoas candidatas deben formalizar a súa solicitude enviando o formulario do Anexo I, cuberto e asinado, ao enderezo de correo electrónico filoloxia.decanato@usc.gal. Así mesmo, este formulario estará dispoñible na intranet da web do centro e na web propia do Máster.

5.- Procedemento de asignación de tutor/a e tema do TFM

Os/As estudantes elixirán ao tutor/-a do seu TFM entre o profesorado que imparte clases no Máster e acordará con él/ela o tema do seu traballo.

6.- Listaxe provisoria e definitiva de asignación de tutor/a e liña temática

A listaxe provisoria de asignación de tutor/a e tema do traballo publicarase o 11 de decembro de 2024 no Taboleiro Electrónico da USC (<https://sede.usc.es/sede/publica/taboleiro/inicio.htm>). Así mesmo publicarase na intranet da páxina web da Facultade de Filoloxía (<https://nubeusc.sharepoint.com/sites/centro-filoloxia>). Contra esta lista caberá reclamación ante o Decanato da Facultade no prazo máximo de 3 días hábiles dende o día seguinte á publicación no taboleiro electrónico da listaxe provisoria.

A listaxe definitiva de asignación de tutor/a e tema do traballo publicarase o 18 de decembro de 2024 no taboleiro electrónico da USC e na web propia do Máster.

As reclamacións á listaxe provisoria faranse no rexistro electrónico da Sede Electrónica na seguinte ligazón: <https://sede.usc.es/sede/publica/registroEntrada/solicitudes/listaxe.htmr>

A listaxe definitiva poderá ser recorrida en alzada no prazo máximo dun mes ante o Decanato ou directamente ante o reitor, segundo os artigos 121 e 122 da Lei 39/2015.

7.- Calendario de TFM

O calendario da convocatoria de TFM do Máster Universitario en Estudos Medievais Europeos: imaxes, textos e contextos acompáñase no Anexo II.

8.- Lugar de notificación dos actos derivados da presente convocatoria

Os actos derivados da presente convocatoria publicaranse no taboleiro electrónico da sede electrónica da USC: <https://sede.usc.es/sede/publica/taboleiro/inicio.htm> así como na intranet da páxina web da Facultade de Filoloxía: <https://nubeusc.sharepoint.com/sites/centro-filologia>.

Poderase contactar con estudantes concretos para solicitarlles a modificación de solicitudes ou subsanación de erros mediante correo electrónico ao correo institucional da USC ou mediante notificación en sede electrónica.

9.- Recursos

Contra a presente resolución, que non esgota a vía administrativa, poderá interpoñer recurso de alzada, perante o reitor da Universidade de Santiago de Compostela, no prazo dun mes que comezará a contar desde o día seguinte á súa publicación, de conformidade cos artigos 121 e 122 da Lei 39/2015 do 1 de outubro, do Procedemento Administrativo Común das Administracións Públicas (B.O.E. do 2 de outubro).

Santiago de Compostela, na data indicada na sinatura electrónica

O/a Coordinador/a do Máster Universitario en Estudos Medievais Europeos: imaxes, textos e contextos

Asdo.: Israel Sanmartín Barros